

Meeqqat atuarfianni alloriarfinni misilitsinnerit

2019-imi meeqqat atuarfianni alloriarfinni misilitsinnernit angusat kisitsisaataasivimmiilerput

Tabellit meeqqat atuarfianni 3. klassit aamma 7. klassit inerniliillaqqissusaannik (pct.-inngortitanik) imaqarput, kommuninut suiaassutsinut, najugaqarfinnut kiisalu atuarfinnut immikkoortitaasunik.

Periutsinik paasisaqarusukkuut innersuussutigineqarpoq immikkoortoq Periaaseq misissuataassagit.

Immikkut maluginiaqquneqarpoq kisitsisitigut paasissutissani taamaallaat meeqqat atuarfianni alloriarfinni misilitsinnerit pineqarmata. Meeqqat atuarfianni alloriarfinni misilitsissimanngitsut kisitsisaatigineqanngillat.

Alloriarfinni misilitsinnerit inerneri

Siunertaq

Ilinniartitaanermut Aqutsisoqarfimmit Karakterdatabasemi tamanut ammasunngorlugu Meeqqat Atuarfianni alloriarfinni misilitsinnerit inerneri saqqummiunneqareernikuupput. Meeqqat atuarfianniit alloriarfinni misilitsinnerit Kisitsisaataasivimmut tamanut saqqummiunneqarnissaanut siunertaavoq, nalunaarsuutit oqinnerusumik atoruminarnerusumillu tamanut ammasunngortinneqarnissaat.

Karakterit kisitsisaataasivimmiilernerat pissutaalluni ajornannginnerusumik misilitsinnerit inernerisa ineriartorneranut aammalu assersuutigalugu atuarfimiit atuarfimmu sanilliussisoqarsinnaalerpoq.

Nalunaarsuutit tunngaviusut

Meeqqat atuarfianiit alloriarfinni misilitsinnerit inerneri Ilinniartitaanermut Aqutsisoqarfiup karakterdatabaseaniit tiguneqarput, naatsorsuinnermi atorneqarlutik. Karakterdatabasep imarai meeqqat atuarfiani 3. klassimi alloriarfimi kalaallisut, qallunaattut imaluunniit matematikkimi misilitsissimasut, 7 klassimi alloriarfimi kalaallisut, qallunaattut, tuluttut imaluunniit matematikkimi misilitsissimasut. Atuartut alloriarfimi misilitsissimanngitsut ilanngunneqanngillat.

Periaaseq

Alloriarfinni misilitsinnerni nalunaarsuutitut atuartunut paasissutissat tamarmik atuartunut ataasiakkaanut tunngasuupput. Nalunaarsuutitut makku ilaapput:

- Inuup normua
- Atuarfik
- Klasse alloriarfik
- Klassip aqqa
- Fage misilitsiffik
- Misilitsinnermi ilisarnaat (TestID)
- Akissutitut ilisarnaat (SvarID)
- Ukioq

Alloriarfinni misilitsinnerit nalunaarsorsimaffiat tatiginartuuvoq, taamaammat inuup normui atorsinnaanngitsut peerneqarput. Inuit marlunnik nalunaarneqarsimanersut misissoqqissaarneqarput, inuup normua fagini assigiinngitsuni misilitsinnernut ataasiaannarluni nalunaarutigineqarluni. Atuarfiit marluk imaluunniit klassit marluk tunngavigalugit nalunaarsuisoqarsimappat arlaat peerneqassaaq. Inerniliinerit kukkuneqanngitsut (pct.-it eqqortut) atorineqartarput atuartoq marloriarluni alloriarfinni misilitsissimatillugu, Atuartut akissutaat 0 pct.-imiittoq atorineqartarpoq, tassani inerniliillaqqissuseq 0 pct.-imik (eqqortumik akisat pct.-inngorlugit) nalunaarutigineqartarpoq, taamaalilluni tamakkiisumik inerniliinermut ilanngunneqartarluni.

Naatsorsuineq

Inerniliillaqqissuseq (eqqortumik akisat pct.-inngorlugit) eqqortumik akissutit amerlassusaat/ suliassat amerlassusaannik naatsorsorneqartarpoq.

Kisitsisitigut paasissutissiornermi alloriarfinni misilitsinnerni inerniliillaqqissutsit kisinneqassapput ukununnгалu immikkoortinneqassallutik; kommunenut, atuarfinnut, klassenut aamma suaassusermut ukiunullu. Misilitsinnerit sisamat ataakaanngassuk inerniliillaqqissuseq (eqqortumik akisat pct.-inngorlugit) saqqummersinneqarneq ajorput.

Killiliineq paasissutissiornermilu ajornartorsiutit

Meeqqat atuarianni alloriarfinni misilitsinnerit sanilliunneranni atuartut ikittuusinnaaneri eqqarsaatigineqassapput, kisitsisinik paasissutissiornermi ikittunik sammisaqarnermi annikitsuinnarmik nikittoqarsimagaangat inerneritut sunniutaa annertusarpoq, taamaasilluni ukiumiit ukiumut nikinganeri annertusinnaasarlutik.

Ilisarnaatinut nassuiaatit:

... Paasissutissat pigineqanngillat

.. Paasissutissat nalunaarsussallugit qularnarpallaarput mianersuuttariaqarpulluunniit

. Suliap pissusia tunngavigalugu kisitsisit saqqummersinneqarsinnaanngillat

0 Uuttuutigineqartup affaanit minneruvoq

- Nul

* Kisitsisaagallartoq kisitsilluunniit eqqoriarneqartoq

Saaffissaq

Emil Malta

E-mail: emim@stat.gl

Ilinniartitaaneq

Naatsorsueqqissaartarfik

Postboks 1025 · 3900 Nuuk

Oqarasuaat.: +299 34 57 70 · Faxi: +299 34 57 90

www.stat.gl · e-mail: stat@stat.gl

